

(P) 28329/p DE IVSTA 379 207 1032  
PLANTARVM INDIGENARVM  
IN PHARMACOPOLIIS REFORMANDIS  
AESTIMATIONE

PRAESIDE  
D. GEORGIO RVDOLPHO  
BOEHMERO

ANAT. ET BOTAN. PROF. P. O. PHYS. PROVINC. ET  
FACULT. MED. R. T. DECANO

PRO GRADU DOCTORIS

D. XXXI. AVGVST. MDCCLXX

H. L. Q. C

D I S S E R T

FRIDERICVS ERDMANNVS HEMPEL

PISSEN. MERSEBURG

MEDICINAE CANDIDATVS

---

VITTEMBERGAE

LITTERIS CAROLI CHRISTIANI DÜRRII

ACADEMIAE A TYPIS





10328





§. I.

**E**tsi concedere debemus, medicam artem a suis incunabulis, per tot annorum secula, mirifice fuisse auctam atque locupletatam, plurimaeque nobis innotuisse, veteribus plane incognita atque inaudita; negandum tamen non est, multis inde difficultatibus medicinam premi, et rerum copia partim, partim et praecipue auctorum dissensu, discen-tes saepissime confundi. Nolumus nunc ad singulas medicinae partes respicere, potius pro instituti nostri ratione ad medicamen- ta modo attendamus, et asserti veritatem comprobemus. Primis autem temporibus curtam admodum fuisse suppellectilem medi- cinalem, primosque medicos paucissima in aegrotorum salutem adhibuisse remedia, vel ex solo HIPPOCRATE cognoscimus. Au- xit eorum numerum postea GALENVS, DIOSCORIDES, et, quae post longum temporis interuallum secuta fuit, Arabum schola; atque sic semper, praecipue ab eo tempore, quo ars nautica ma- gis exculta, extimaeque Indorum orae, et famosa naufragiis ma- ria immensam nouorum et antea plane incognitorum medicamen- torum farragines transmiserunt, noua incrementa cepit Materia me- dica, vt nunc ingenti rerum copia instructi morbis debellandis au- xilia ferre queant Medici. Non solum autem corporum natura-

A 2 lium





lium, siue, vt dicere solemus, simplicium numerus nouis, ex terra et mari, ex omnibus vniuersi, maxime detecti noui orbis fere angulis, allatis, laudatis probatisque insigniter auctus fuit, sed et partim diu cognita, partim nouiter adducta, chemicorum industria examinata, soluta, fusa, extracta, concentrata, inter se et cum aliis coniuncta, iterumque separata, et innumeris aliis modis in noua medicamenta mutata fuerunt; hinc Chemiæ auxilio tot **Aquae**, **Spiritus**, **Olea**, **Extracta**, **Sales** natiui et calcinati in vsum medicum parantur, vt praeparata haec numerum simplicium nunc fere superent. Neque his contenti fuerunt Medici, potius, quo nihil quasi deesse videatur, simplicia varia et saepe plurima, immo et cum his praeparata combinarunt, et ex diuersissimis corporibus vnum, siue sic dictum compositum, confecerunt. Atque hic quidem mos primum in Graecia, post HIPPOCRATEM, caput extulit, postmodum in Arabum scholis maxime inoleuit, atque exinde totam rem medicam publica quadam contagione peruasit; et cum haec omnia a Medicis perfici vix possent, vt compendium potius in curandis morbis obtineant, officinae <sup>a)</sup> pharmaceuticae constitutae fuerunt, in quibus omnis ille et simplicium, et praeparatorum, et compositorum apparatus conseruetur et custodiat. Ipsa autem haec nouorum remediorum inuentio an in emolumentum an detrimentum artis cesserit, non difficile erit defini-  
tu. Laudanda vtique est maiorum nostrorum a primis Medicinae incunabulis industria, quod medicaminum apparatus augendo, Machaoniae artis splendorem ad maius vestigium euehere, conati fuerint; illud tamen reticendum non est, partim ex tam innumerabilibus, quorum virtutes saepe ad coelum vsque sublatas vides, perpauca esse, quae et aegrotantium spem et expectationem sustinent

a) De his elegans est apud PLINIVM locus. *Ex terra, inquit, nascentibus nata medicina. Haec sola naturae placuerat esse remedia parata vulgo, inuentu facilia, ac sine impendio, ex quibus viuimus. Postea fraudes hominum et ingeniorum captivae officinas inuenerunt istas, in quibus sua cuique homini venalis promittitur vita. Vid. Hist. Nat. Libr. XXIV. cap. I.*





stinent atque tuentur, partim antiqua illa et optima remedia obliuioni tradita et inter obsoleta relata, horumque in locum alia, minus probata saepe, et futilia substituta, partim denique praeparationes inutiles multas, ineptasque compositiones plurimas in officinas <sup>b)</sup> introductas fuisse. Hinc cum vbique bona mixta sint malis, et medicus ex tanta rerum copia et confusione sese extricare, et quatenam in medendo adhibenda, aliisque praeferenda sint, cognoscere difficulter admodum possit, ipsiusque praxeos medicae, dum ad singula fere lustra modus et remedia immutantur, inconstantia summa necessario oriri debeat, plurimi artis doctores non amplius de augenda, sed potius de numerosissimo apparatu, tot cistulis, capsulis, pyxidibus, vrceis, lagenis et vitris recondito, imminuendo prudentissimum ceperunt consilium, atque officinarum pharmaceuticarum reformationem optarunt multi, paucissimis vero eandem ex voto successisse, dolendum est.

§. 2.

Licet enim ante seculum nonnulli, et inter eos praecipue HELMONTIVS <sup>c)</sup> et LVDOVICI <sup>d)</sup>, postea WEDELIVS <sup>e)</sup>, RIVINVS <sup>f)</sup>, aliique <sup>g)</sup> pharmaciam vel potius materiam medicam in progressu suo

A 3

suo

b) Verissime hinc RIVINVS: *haereo annon medicis maior ignominia quam honor, pharmacopoeis damnum maius quam lucrum, aegrotantibus nausea potius quam desiderium et fiducia indenesatur, quod quereuis promissue sine omni iudicio coacervata tam sancte custodiantur in apothecis.* Vid. Diss. de Medicamentorum officinal. censura, quae cum aliis prodiit Lips. 1710. p. 73.

c) In Pharmacopolio et dispensatorio moderno, edit. cum Ortu medicinae Amstel. 1652. 4. p. 366.

d) In Pharmacia moderno seculo applicanda, edit. cum Operibus aliis Francf. M. 1712. 4. et Lips. 1712. 8.

e) Passim in suis scriptis, inprimis Pharmacia et Amoenitatibus Materiae Medicae.

f) In diss. cit.

g) Ut sunt: PAVLI Diss. de Medicamentorum delectu, Lips. 1698. BRENDELII Diss. de vanitate complurium remediorum, Witt. 1736. SCHVLZII Diss. de Medicamentorum apparatu compendiario diffusiori anteposendo Halae 1739. LINNAEI Censura simplicium in Amoenitat. Acad. Vol. IV. p. 26. qua inprimis





suo cōhibendam, artemque, quam profitemur, grauissimam ab omnibus sordibus futilibusque remediis liberandam, et quam depuratissimam reddendam esse, luculentissime cognouerint, et aptissima reformationis fundamenta posuerint; medici tamen hac in re nondum conuenerunt, quaeque vel conseruanda vel reijicienda essent, difficulter determinare potuerunt. Quemlibet sua trahit voluntas, laudatur aliud ab his, culpatur aliud ab illis. Nihilominus vero glaciem fregisse praestantissimos viros atque Superiorum praesidio suffultos varia atque multa ex pharmacopoliis relegasse, testantur nouissima dispensatoria, optandumque sedulo erit, vt horum vestigiis alii porro insistant, et pro quolibet populo et regione apta, atque ab omnibus, quantum possibile, quisquiliis repurgata pharmacopoea constituatur, publicaue autoritate confirmetur. Quo in negotio ad triplicem illam medicamentorum speciem praecipue attendendum erit. Composita, etsi non omnia, plurima tamen, commode satis negligunt recentiores practici, et prout compositiones illae nec adeo ingeniosae sunt, quin non pares discipulus medicamentarii conficiat, nec de compositis, quae in memoriam veterum, vel recentiorum fauorem asseruantur, vllam sperare praerogatiuam liceat prae illis, quae misceri ex tempore possunt, medicique facile ad arbitrium formulas remediorum tam elegantes, quam efficaciores, concinnare et in morborum curatione adhibere possint; ita multo minus egemus Arabum aliorumque mixturis, quae insignem saepe simplicium aliorumque praeparatorum copiam continent, quaeque vel vetustate corruptae omni virtute destituuntur, vel propter diuersa, quae continent, seque ipsa quasi destruunt, ingredientia nullum saepe, vel dubium et

mis ea recensuit vegetabilia, quae vel ex taberna medicamentaria excludenda, vel de nouo introducenda essent. ROSENII *Idea Pharmacopoeae reformatae*, Vpsal. 1754. CRANZII *Diff. ergo damnanda merito in officinis multa? et alia titulo: ergo dispensatoria corrigenda?* Vtraque Viennae 1759 habita. MEDERI *Diff. de Medicamentis simplicibus, quibus officinae pharmaceuticae facile carere possunt*. Goetting. 1760. BEIREIS *Diff. de Medicamentis inanibus in medicinam peruersis opinionibus receptis*, Helmst. 1767.





et quandoque inexpectatum effectum <sup>b)</sup> excitant. Illas itaque quisquiliis, per haereditates ut plurimum in successorem translatas, et famosas illas, a multis tantum in vetustatis reuerentiam impenfius cultas, compositiones ex officinis eliminemus; Migrent itaque integrae medicamentorum classes sub titulo Specierum, Confectionum, Pillularum, ex quibus vix vnum vel alterum a medico politiori praescribitur, immo illae praecipue compositiones, quas magnas vocabant, ob eximias, quas credebant earum virtutes veteres, quasque pene rotus medicinalis apparatus ingreditur, quales sunt Theriaca et Mithridatium. Neque sic ex parte repurgato quasi Augiae stabulo simus contenti. Progrediendum quoque est ad praeparata, a chemicis inuenta, et a medentibus magno olim applausu recepta. His quidem suam praestantiam atque virtutem derogare nequaquam possumus, nihilominus vero simplicium efficaciam in praeparatis multum saepe debilitatam, immutatamque saepius deprehendimus, cumque ab industria praeparantis, rudis saepe pharmacopoei illa et eorum bonitas dependant, frequenter medicos fallunt in exercitio artis constitutos. Quid itaque iuuabit simplicia et plantas praecipue destillare, coquere, inspissare, comburere, multisque aliis modis, ad speciem magis quam usum excogitatis, immutare; praestat iisdem nativis uti; ideoque plurimae destillatae Aquae, quarum hactenus ultra centum quotannis destillandae, cum decem sufficerent, Syrupi, Extracta, Salia, Feculae, Magisteria, Tincturae et f. p. relegentur merito, et horum modo efficacissima conferuentur.

## §. 3.

b) De huius quidem rei veritate recentiorum forte nemo dubitabit; attamen vel solius RAMAZZINI auctoritate eandem confirmemus. Ita ille: *Disimulare non licet, quod non raro nostra culpa fit, ut tardiora sint remedia, si malis conferantur, quam quod revera talia sint nata, dum illa ad invicem permiscendo, confundendo commingimus, euvramus, ac talia reddimus, ut cum intra vitae hospitia fuerint admissa, inter se potius quam cum morbo et causa morbifica pugnam ineant; et alio loco scribit: Equidem eo ventum erat, ut qui prolixiores et palmares remedium formarum, scriptas et a tergo quandoque, aegris praescriberet, is vere utramque paginam absoluisse crederetur.* Vid. Eius Opera, Genevae 1717. edit. p. 27. et 87.





## §. 3.

Non solum vero in his medicamentorum speciebus reformatione opus habent pharmacopolia, sed etiam simplicium curiosior institui debet disquisitio. Licet enim haec naturae sint dona, et in se considerata fere semper optima; tendunt namque recto, quod dicitur, gressu ad edendum effectum, quem habent ex constitutione propria, physicum, nilque sit, quod eorundem efficaciam aut hebetet, aut alteret, aut prorsus destruat; multa tamen titulo minus honesto memorantur a medicis, et nunc alia inusitata, exoleta alia, minus tuta et s. p. nominantur. Habent namque sua quoque fata<sup>i)</sup> medicamenta, et quae veteres magnis encomiis laudaverunt, eadem saepe ab aliis, nouiterque inuentis superata, et e sede sua dimota fuerunt; hinc suis pyxidibus inclusa manent, inusitata fiunt, et vetustate tandem sua vere virtute priuantur, licet per se, et in recenti suo statu fuerint optima. Radicem Chinae cum Cl. RAMAZZINO exempli loco adducamus: haec ab Indiis Orientalibus in Europam deducta, inter medicamenta ad morbos chronicos et contumaces propulsandos principatum obtinuit, modo pene obsoleuit illius usus et in officinis cariiosa reperitur. In diiudicandis simplicibus summam sane difficultatem deprehendimus, cumque eadem medicorum quilibet pro suo arbitrio aestimare soleat, nunquam forte in his vel tolerandis, vel reiiciendis norma quaedam certa poni, et pharmacopolii suppellex constitui poterit. Ita Cassiam e. gr. quae hodie inter praestantissima medicamina refertur, ex moderna pharmacia relegare voluit LUDOVICI<sup>k)</sup>, Rhabarbari

i) Id, quod de omni medicina tulit iudicium citatus antea RAMAZZINVS, de remediis quoque in specie valebit; Ita autem ille: *suos igitur manes noua quoque patitur medicina, et non pauca illius dogmata, quae multo plausu excepta sunt, forsitan aliquando ab aula recedent, et quae exulare iussa fuerant, in gratiam redibunt.* Vid. Opera p. 83 Conf. etiam HOUII super remediis annotationes in Comment. Societ. Scient. Harlemens. T. VI. P. II. p. 788.

k) libr. cit. edit. in 4. p. 83. et 253. De dubia Cassiae aestimatione vid. quoque RAMAZZINVS in Oper. p. 750.





bari e contrario radix, <sup>l)</sup> per tot secula a summis medicis laudata et diuini remedii titulo ornata, nunc a nonnullis negligitur, atque ad inusitata remedia amandatur. Cortex Peruuianus iniqua, quae de eius praestantia aliquando tulerunt medici, iudicia, felicissime quidem superauit, nouisque in dies cumulatür encomiis, qualis autem fors ipsum maneat, et an eundem honorem perpetuo sit conseruaturus, posterum decernet tempus. Auguramur et huic suum aliquando interitum. Quassiae forte lignum eundem a sua dignitate remouebit, prout ille ipse Cascarillam a frequentissimo vsu detrufit. <sup>m)</sup> Alii porro medici non nisi benigna et mitissima <sup>n)</sup> amant, et dissuadent omnia fortiora remedia; solo Tartari Cremore armati ad dirum hydropem superandum accedunt, et Squillae Iridisque radicem, atque alia longe praestantiora cane peius et angue fugiunt. Mitissimam Ipecacuanham pro emesi mouenda tantum commendant, negligunt alia, inprimis ex Antimonio parata, ast Cel. НУХАМ vinum vel tincturam ex huius vitro summis laudibus extulit. <sup>o)</sup> Non nisi frigida et temperata extollunt alii, omniaque calida et excitantia nocentissima esse contendunt; Aequè tamen his ac illis nocere <sup>p)</sup> possumus in morbis;

l) Rhabarbari quoque radicem ex officinis cum Myrobalanis, Soldanella et aliis relegare voluit LVDOVICI, et loco horum Aloen et Sennam maxime commendauit libr. cit. p. 64 et 67.

m) Vtiles saepe res vel ex praeiudiciis, vel inuidia, vel aliis causis damnari et contemni, multis exemplis, si opus esset, facile comprobare possemus. Ita PAVLI Diff. cit. cap. 3. omnia nauseosa et ingrata reicienda esse asserit, et §. 3. scribit: *exulent hinc Squilla, Gummi Ammoniacum, Sagapenum, Galbanum, Sapo Veneris et s. p. et RIVINVS Diff. cit. p. 91. Agrimoniam, Amaram dulcem, radicem Caryophyllatae, Graminis etc. inter inutilia et ignobilia retulit.*

n) Quae ALEXANDER MAGNVS apud CVRTIVM Libr. III. cap. 5. iam respuit, dicens: *Lenta remedia et segnes medicos non expetunt tempora mea, vel mori strenue, quam tarde conualescere mihi melius est.*

o) Vid. Philosophical Transactions Vol. XLVIII. Part. II. p. 832. vel Opera Auctoris, per REICHELIVM edita Lips. 1764. 8.

p) Non quidem huius loci est de hac diuersa medendi methodo differere, attamen cum hoc tempore calida medicina damnetur a plurimis, et frigida vbique laude-





bis; Camphora et Nitro aliquando indigemus, et vtrumque, certo et iusto tempore datum, prodesse poterit. Sane nil prodest, quod non laedere possit idem. In tanta igitur medentium discordia, quam non modo circa medicamentorum delectum, sed et omnem medendi rationem vbique deprehendimus,<sup>q)</sup> quid laudandum vel vituperandum, quid retinendum, vel reiiciendum, nullo modo determinari poterit; accedit, quod partim pro diuerso morborum genio, aegrorumque constitutione et idiosyncrasia non semper eadem remedia adhibere possimus,<sup>r)</sup> partim hac in re vulgi opinionibus aliquid dare, et quaedam in officinis conseruare debeamus, quae nunquam a medicis praescribuntur, a rusticis autem aliisque vt polychresta desiderantur; idque non tantum de simpli-

tur, prudentissimum monitum felicissimi Practici I. G. BRENDÉLII, vel in iuniorum gratiam, hic apponamus: *Vt praeternaturalis, inquit, sanguini inductus calor ad iustam temperiem reducat, ne noceat, inprimis operam sedulo nauare medicum oportet; sed eundem haud minore studio decet cauere, ne vel in aliam partem delinquat, vel contra reliqua artis praecepta, aut indicationum momenta impingendo, praepostere refrigerationem moliat, et sic, quod una manu iuuat, altera pessumdet.* Vid. Diss. de iusta methodi refrigerantis in morbis aestimatione Goetting. 1752. et in altera Diss. de recto Calefacientium in morbis usu, eod. anno edit. p. 27. monuit: *Motus isti, et cum iis calor febrilis aliusue non plane sufflammandi sunt, sed potius in iusto moderamine tuendi, et, si extra orbitam ferantur, componendi, si vero depressiores sint, instigandi.*

q) Elegans est CELSI locus, quem commode hic repetamus: *Cur aliquis potius Hippocrati credat, quam Herophilo? Cur huic potius quam Asclepiadi? si rationes sequi velit, omnium videri posse non improbabiles, si curationes, ab omnibus bis aegros perductos esse ad sanitatem.* Vid. Libr. I. Praef. edit. L. Bat. 1730. p. 8.

r) Iterum CELSVS hac in re sapiens dedit consilium; scil. *Alterum illud ignorari non oportet, quod non omnibus aegris eadem auxilia conueniunt. Ex quo incidit, vt alia atque alia summi auctores quasi sola venditauerint, prout cuique cesserant; oportet itaque, vbi aliquid non respondet, non tanti putare auctorem, quanti aegrum, et experiri aliud atque aliud.* Vid. Libr. III. cap. I. edit. cit. p. 112. et BOHNIVS monuit: *Instructissimi farragine medicamentorum accedimus infirmos, recedimus vacui et vani, nec sine pudore ac artis ipsius vilipendio. Quibus ita se habentibus, farraginem medicamentorum fugiat, et paucis tantum selectioribus, ac usu comprobatis utatur medicus, ita tamen, ne plurimum, simplicium inprimis, destituatur suppellestili, vt si ob quamcunque causam, v. gr. aegri morositatem, aut si indiuidualis forsitan vni relictetur idiosyncrasia, aliud seligere adigatur, hoc mox praesto sit.* Vid. libr. de Officio Medici duplici, Lips. 1704. Part. I. cap. 21. p. 457.



simplicibus, sed et ipsis compositis valebit. Ita Theriacam nullus medicorum desiderabit, attamen nollem esse suafor, vt eadem ex pharmacopolio reiiciatur; hinc vt composita, qualiacunque sint, in totum deleantur, cum RIVINO <sup>s)</sup> asserere, haudquaquam licebit.

#### §. 4.

Difficultates, quae pharmaceuticae officinae reformationem concernunt, nec vltius copiosiusque recensere, nec illis medellam adferre volumus, attendamus modo, pro instituti ratione, ad simplicia vegetabilia, et in his diiudicandis et aestimandis primo omnium ad eorum patriam respiciendum, exotica et indigena curiosius disquirenda, haecque illis, etsi non semper, plerumque tamen, longe anteponenda, haec conseruanda, illa, quoad magnam partem releganda esse, existimamus. Dum autem hoc monemus, minime illorum amplectimur sententiam, qui omnia plane exotica reiiciunt, inque eorum locum mera domestica surrogant remedia; sunt et horum nonnulla, quorum succedaneum nullum in nostris terris possidemus; hinc nec ex diffitis regionibus allata spernere, nec, dum haec admittimus, terram nostram nouercam obtigisse rerum parentem, putare debemus. Deprehenduntur fane in his regionibus experta remedia, quae viribus suis exotica saepe antecellunt, vel ad minimum aequipollent; immo multae sunt et sat praegnantae caussae, cur nos indigena frequentius, rarius exotica adhibere posse, et hinc in Materia medica vel iam recepta conseruare, vel alia et noua introducere debere, suaudent atque postulant. Fuerunt praestantissimi omni tempore viri, qui domesticas suas merces commendarunt, et ad earundem vsum et aestimationem posteros inuitarunt. Imperitissimas etiam gentes herbas aliaque prompta in auxilium vulnerum morborumque

B 2

nosse,

<sup>s)</sup> Vid. Diss. cit. p. 127. Ita BOHNIVS quoque monuit: nemini suafor forem, vt reiiciat friuole confectionem Alkermes, Theriacam, Spiritum Theriacalem, Specificum cephalicum, Elixir Proprietatis etc. Vid. libr. cit. p. 466.





nosse, CELSVS <sup>1)</sup> iam monuit, et quamlibet regionem contra morborum faeuitiem <sup>2)</sup> solatia praebere, domesticis naturae beneficiis, remediis praecipue, quaslibet fere regiones abundare, et sibi sufficere Galliam CAMPEGIVS <sup>3)</sup>, Belgium BEVEROVICIUS <sup>4)</sup>, Daniam BARTHOLINVS <sup>5)</sup> et BORRICHIVS <sup>6)</sup>, Germaniam HEISTERVS <sup>7)</sup> non solum luculentissime ostenderunt, sed et NERONEM lege cauisse, ne medici alia, praeter ea, quae Romanus ager aleret, medicamenta, in ore et vsu haberent, ex historicis scriptoribus LENTILIVS <sup>8)</sup> commemorauit. Quamquam autem clarissimi hi

1) Praef. Libr. I. p. I.

2) HELMONTIVS quidem non is Auctor est, quem hic commendare debeamus, praecipue cum Ipse multis inutilibus Materiam medicam auxerit; forte autem hinc Eius monitum eo magis aestimandum erit, dum scribit: *Raro transmarinis et ab ultimo Oriente petitis remequis utor; sciens, quod Omnipotens fecit sanabiles omnes nationes terrae, nec aduectas Indo de litore merces expectandas voluerit, ut neque ante cognitae Indias minus mortalibus propitius Deus fuerit. Bonitas ergo diuina persuasit mihi, inquilinis morbis sua domi reperiri remedia.* Vid. Pharmacopol. cit. §. 33.

3) Vid. Hortus Gallicus pro Gallis in Gallia scriptus, in quo Gallos in Gallia omnium aegritudinum remedia reperire docet, nec medicaminibus egere peregrinis etc. Lugduni 1533. 8.

4) In Introductione ad Medicinam indigenam L. Bat. 1663. 12.

5) De Medicina Danorum domestica, Hafn. 1666. 8. Vid. et Eius Epist. de simplicibus medicamentis inquilinis cognoscendis, edita cum GRVBII Comment. de medicamentorum facultatibus, Hafn. 1669. 8.

6) De vsu plantarum indigenarum in Medicina, Hafn. 1690. 4. Huc etiam spectat DETHARDINGII Diss. de Medicamentis Norwegiae sufficientibus Hafn. 1740.

7) In Diss. de Medicamentis Germaniae indigenis, Germanis sufficientibus, Helmst. 1730. Cum quo coniungi potest HOFMANNI Diss. de praestantia remediorum domesticorum, Halae 1718, in qua multum laudauit Panem, Lentem, Rapam, Allium, Raphanum, Rutam, Saluiam, Melissam, Lauendulam, Millefolium, Chamomillam et Absinthium. It. 10. GEORG. LANGII Tentamen de remediis Brunsvicensium domesticis, Brunsw. 1765. 8. et PLAZII Diss. de vulgatorum remediorum vsu non reiiciendo Lips. 1763.

8) Miscell. Medic. P. III p. 284. Quinam autem sint illi historici, neque LENTILIVS notauit, neque nos, omni data opera, plurimis ad NERONIS vitam pertinentibus voluminibus perlustratis, inuenire potuimus. Refert quidem SVETONIUS in huius Vita Cap. XVI. ab Eodem interdictum esse, ne quid in popinis





hi Viri patria sua dona nimium quandoque aestimauerint, et exotica, minus recte, omnia vituperauerint <sup>d)</sup>, in genere tamen verissimum est, medicum indigenorum praecipue notitiam sibi comparare, eademque frequentissime in usum adhibere debere. Dum enim aliena viuimus opera, dum alienis pharmacis utimur, dum alienis promissis credimus, et nosmet ipsi decipimur medici, et similiter decipimus alios. Exoticorum virtus saepe solo ex pretio aestimatur; quis nescit peregrina saepe corrupta, frequenterque in naui suffocata et submersa venalia prostare; plurima ex his auara manus adulterat; multa horum pompam ostendant, vsui vero non inferuiunt; dubia saepe horum est virtus, et eorum pleraque quam cito innotuerant, pari etiam celeritate exoluerunt. Summum autem argumentum, cur indigena exoticis praeferre debeamus, nobis esse videtur illud, quod omnia medicamenta sint relatiua, relatione scilicet nitentia quoad causas morbificas et indiuidua. Differunt autem et corpora et morborum causae ob differentiam victus, aeris, soli, climatis et s. p. hinc bene asserit CELSVS <sup>e)</sup> *differre pro natura locorum genera medicinae, et aliud opus esse Romae, aliud in Aegypto, aliud in Gallia*, et PALLIIVS <sup>f)</sup> monuit BAGLIVIVM, *si Coa praecepta et remedia vestris in regionibus minus feliciter iuuant, id climatis intervallo valde ab Attico tribue, vel contrariae medendi methodo, non*

B 3

autem

pinis cocti praeter legumina et olera vaeniret, cum antea nullum non obsonii genus proponeretur; hanc legem, an cum priori confuderit, et ex speciali generalem fecerit, in dubio relinquere debemus.

d) Qua in re multum laboravit C. S. SCHEFFEL. in Diss. de Exoticomania, Gryphisw. 1733. Verissime hinc LVDOVICI, postquam exotica taxauit, addit: p. 16. *tamen qui nuper in vniuersum omnibus domestica sua substituere conati sunt, ingeni potius acumen, aut coniecturas, quam seriam experientiam practicam ostenderunt.* Conf. et GERHARDI Triga Dissertationum, quarum secunda de Medicamentis a nobis negligendis.

e) Praef. Libr. I. p. 8. Ita et morbi Gallici curationem per lignum sanctum in regionibus septentrionalibus non bene succedere ideo KRAGIVS existimauit, quoniam in illis terris viscosi humores rarissime transpiratione euacuentur. Vid. BARTHOLINI Cista Medica Hafniens. p. 110.

f) In Epistolis edit. cum BAGLIVII Operibus Antw. 1734. p. 743.





*autem remediorum aut praeceptorum vanitati.* Ideoque ea, quae in illa, in qua nosmet ipsi viuimus, regione habitant, et quae eodem, ac nosmet ipsi alimento et aere fruuntur, nobis etiam magis erunt appropriata et naturae nostrae quasi simillima, hinc etiam frequentiori vsu administranda et peregrinis plerumque praeferenda. Beatus, qui intelligit, bona sua domi nata.

§. 5.

Nos in plerisque nobis sufficere, nobisque in nostris ruribus ea esse salutis auxilia, quae peregrinis, si non superiora, certe non inferiora forent, nunc per exempla quaedam declarare, operae pretium erit. Radicis Ginfeng et Nisi succedaneum Hepaticam nobilem, eamque plantam haud bene neglectam esse, RENEAUME<sup>g)</sup> asseruit, qui harum radicum virtutem in variis morbis explorauit, ast vanam vbique iactantiam inuenit; hinc et easdem non pluris aestimauit BOERHAAVIUS,<sup>h)</sup> quam Foeniculi dulcis radículas, quibus hae conueniunt. Fabae Ignatii tutius, ac in eosdem vsus longe efficacius succedaneum esse Centaurium, Idem Cl. Auctor affirmauit, et pro Mungo Rutam, pro Pareira braua Aristolochiam, et pro Acmella Agrimoniam vel Betonicam commode substitui posse, existimauit.<sup>i)</sup> Vltimae huic pretiosae zeylanicae plantae Palatinam vel Germanicam Acmellam recte comparauit NEBELIUS<sup>k)</sup>. Chinae radici Bardanam aequiparauit LVDOVICI<sup>l)</sup>; huic quoque et Saffaparillae<sup>m)</sup> radici Saponariam praetulit Cartheuserus.<sup>n)</sup> Ex  
Pini

g) In Acad. Paris. 1718. edit. Germ. p. 135.

h) In Consultationibus p. 332. et 360. quo ultimo loco addit: *Videtur mihi odor, sapor, natura, virtus exquisitae referre radices Foeniculi dulcis vel vulgaris, placet pretium, et ita diuites dimittuntur inanes.*

i) Libr. cit. p. 361. Plantam, ut videri posset, aliam Zeylanicam Acinellae nomine IDEM p. 336. et 360. memorauit, cum Acmella vero eandem esse, ipsa descriptio facile docebit.

k) In Diss. de Acmella Palatina. Heidelb. 1739.

l) Pharmac. cit. p. 103.

m) De succedaneis Saffaparillae variis egit DELIUS in *Fränckischen Samml. I. Band.* p. 119.

n) In Diss. de Saponaria Francf. 1760.





Pini et Abietis cortice vernali tempore effluens succus resinofus non inepte Balsamo de Meccha, et in genere Terebinthina omnibus exoriceis balsamis equiparari poterit. Peruviani succedaneum in specie præbere Populum albam SCHMIDELIVS<sup>o)</sup> docuit, qui etiam ex Populi gemmis, primo vere collectis, ope spiritus vini, rubicundam tincturam, pectorali vsu insignem, hocque abstracto, ex residuo optimum balsamum vulnerarium, in et externo vsu in exulceratione pulmonum, fistulis, partiumque tendinosarum læsione probatissimum, commendauit. Eupatorium cannabinum commodè et tuto vomitum mouere, expertus docuit GESNERVS<sup>p)</sup> eo seculo, cui nondum Brasilia Ipecacuanham miserat, et in Vlmaria aliquid latere virtutis, qua huic radici equiparari posset, SCHMIDELIVS<sup>q)</sup> contendit. Perforum Salab, sit radix vel potius fructus,<sup>r)</sup> in nostris quoque pratis crescit, vel potius loco huius radices Orchidis nostratis, sit morio vel mascula triuiali nomine dictæ, commodè substituuntur, immo præferuntur.<sup>s)</sup> Yquetaya Brasiliensium, quæ pro correctione nauseosi saporis foliorum Senneæ adeo laudata fuit, vel ipsa est nostra Scrophularia aquatica, vel loco

o) Vid. Diff. de Oreoselino Erlang. 1751. p. 8.

p) Vid. Epistolar. Medicinal. Libr. III. Tigur. 1576. 4. edit. Libr. II. p. 63. et Libr. III. p. 121. Ab inusitatis separanda et frequentiori vsu commendanda est huius radix et imprimis herba amara, odorata et roborante virtute prædita. Ad Cachexiam et alios morbos RAIUS in Synopsi Stirp. Britannicar. edit. Lond. 1724. p. 180. commendauit, et ob vim purgandi eximiam SABBATHI de Plantis Romanis Ferrar. 1745. 4.

q) Diff. de Oreosel. p. 8. Odorem spirat Vlmaria fragrantissimum, et miratus sum, scribit LINNAEVS Fl. Lappon. p. 159. quod hæc planta minus, quam virtus suaderet ab odore desumpta, revocata fuerit ad vsus medicos; sed forte lateat anguis sub herba, namque equi, qui famelici omnes sine discrimine ingerebant herbas, hanc reliquerunt intactam.

r) Vid. VOGELII Historia Materiae med. p. 223.

s) Vid. Schwed. Acad. Abhandl. 26. Band p. 251. Orchis etiam latifolia, siue Satiurium, ab inusitatis ad vsus reuocanda erit; flos namque eius, nocte imprimis odoratissimus, Vanigliae odorem quasi spirans, inuitare nos debet ad noua tentamina. Neque vana est, ab antiquis assumpta, aphrodisiaca virtus; Tauri tardi pronocantur in venerem hac radice a Dalis.





loco eius, teste MARCHANTIO,<sup>t)</sup> commodissime adhiberi potest. Dictamnium creticum et Serpillum viribus inter se conuenire, eamque, quae Citri odore imbuta est, varietatem et illi et Melissae praefereendam esse, docuit GLEDITSCHIVS.<sup>u)</sup> Polygalam vulgarem et Dulcamarae stipites Senekae virtutes possidere, Ill. van LINNE <sup>x)</sup> tradidit, retulitque Senekae et Valerianae radicem combinasse, et inde praeparatam tincturam in morbis dolorosis et tabe summo cum effectu exhibuisse TENNENTIVM, hunc docuisse Valerianam omnes, vt Senecam, excretionem pellere, immo aliquid anodynii fouere. Valerianae quoque radicem Serpentariae substituendam esse, serio affirmavit GLEDITSCHIVS.<sup>y)</sup> Praeter haec autem vera, vt nobis videtur, succedanea, plurima alia dubia et falsa ab Auctoribus nominantur. Chinchina in Europa nulla datur, et neque Fraxini, neque Hippocastani cortex eidem debet substitui; semina farinosa, leguminosa, oleosa et quaecunque alia, etsi tostione oleum empyreumaticum, in aqua soluendum, praebent, ac Coffeae decoctum colore referunt, minime specificum saporem et virtutem, Coffeae decocto propriam, ostendunt; Cichorei quoque vstulatae radicis infusum reliquis quidem praestantius et sapidius est, attamen non Coffeae potus. Idem forte etiam de Thea dicendum, licet in huius locum facile alias, gratiori sapore praeditas, plantas substituere possimus. Verum nec de his, nec de aromatibus <sup>z)</sup>, quatenus iisdem indigena nostra aequiparare debeamus, prolixius differere volumus, modo de purgantibus

t) Acad. Paris. 1701. edit. germ. p. 769.

u) Vid. Eius *Vermischte Abhandlungen* II. Theil p. 98.

x) In Diss. de Senega inserta Amoenit. Acad. Vol. II. p. 151. Polygalae vulgaris efficaciam dudum cognouit GESNERVS; huius manipulus si per noctem in vino maceratur, idque bibitur, bilem per aluum mire deiecit, nullo periculo, Eiusdem experientia. Vid. Epistolae. Libr. III. p. 121. et inter recentiores NIC. CANNON in Diss. de Polygala Viennae 1762. edit. huius et pulueris et infusi melle remixti in phthisi praestantiam renouauit.

y) *Vermischte Abhandl.* III. Theil p. 343.

z) Conf. ALBRECHTI Diss. de Aromatum exoticorum noxa et nostratium praestantia, Erford. 1740.





bus quaedam adhuc adiiciamus. Horum plurima, immo fere omnia, quae in officinis prostant, ex peregrinis regionibus sunt allata, possidemus vero plurimas indigenas plantas, hac efficacia praeditas, quarum vero virtus ideo, quia rarissime, et non nisi a rusticis in usum ducuntur, nondum satis explorata, et ratione doctos sufficienter cognita existit. Harum indicem non solum in Suecorum, sed et nostratium commodum congeffit, et eleganti commentario illustravit van LINNE,<sup>a)</sup> ex quo solum Rhamnum Catharticum exempli loco adducamus, et Illustris Viri verba repetamus: *Baccarum siccarum et puluerisatarum drachmae duae purgant egregie in decocto, et locum obtinent in plurimis morbis, arthritide, cachexia, hydrope, siphilitide; in pulvere etiam parum tostae praescribuntur, et blande purgant ac perfecte, perinde ac pulvis d'AILHAUD, atque in iisdem morbis, quibus Ailhaudianus iste praescribitur. Syrupus domesticus summis decantatur ipso a SYDENHAMIO encomiis, atque ob frequentem usum domesticus audit; ad dosin unciae unius tam blande agit, ut etiam infantibus recens natis ad exturbandum meconium tuto propinetur, sitim vero excitat.*<sup>b)</sup> Et quae de Conuoluulo sepium eiusque radice, Scammonio, Mechoacan-nae, Turpeto et Sondanellae forte equiparanda, notauit<sup>c)</sup>, nostram omnino attentionem merentur; neque omni probabilitate destituitur, quam de Viola odoratae radice, Ipecacuanhae succedanea, coniecturam proposuit<sup>d)</sup>; Gratiolam autem Asarumque in dysenteria loco huius adhibendam esse,<sup>e)</sup> nullus practicum concedet.

#### §. 6.

Praeter haec autem succedanea, alia nobis sunt indigena, quae a principio fere artis medicae ad hunc usque diem aestimata fuerunt.

a) De Purgantibus indigenis 1766. edit. et inserta Amoenit. Acad. Vol. VII. p. 293.

b) l. c. p. 300.

c) ibid. p. 303.

d) ibid. p. 307.

e) ibid. p. 307.





fuerunt. Singula haec rimari atque iam recensere, non fert instituti ratio; vulgarissimorum modo nonnulla, ex quibus indigenorum praestantia, et hinc in multis morbis curandis exoticorum usus superfluous facillime et clarissime elucescit, in memoriam reuocemus et exempli loco adducamus. Inter arbores nostrates maxime eminet Sambucus et Iuniperus; in priori, communi fere medentium consensu, inprimis monente BARTHOLINO<sup>f)</sup> et HOFFMANNO<sup>g)</sup>, plus medicinae latet, et tutior inest omni tempore salubritas, quam in pomposis antidotis; et Iuniperus tota medicamentosa est, quia tota balsamica; Lignum eius efficacia non cedit lignis illis exoticis, et baccarum virtus non inferior; aquam, ex illis cohobatione paratam, in hydrope curando promptissimam laudauit BOERHAAVE<sup>h)</sup>, et inde paratum Roob<sup>i)</sup> eundem usum certissime exercere solet; praeterea propter stomachicam, carminatiuam, pectoralem et vterinam virtutem vilissimos hosce fructus inter efficacissima et plane eximia remedia retulit CARTHESIVS<sup>k)</sup>. Ex radicum numerosa suppellectile in desertis et rudibus crescentem Bardanam et Taraxacum nunquam satis laudibus extollere valeamus. Illius quidem usus suspectus videri posset, dum SCOPOLIUS<sup>l)</sup> ex decocti diuturno usu puellam, toto corpore contractam, obseruauerit, et hinc noxium aliquid, hanc neruorum tensionem produciens, plantae forte inesse asseruerit; attamen fallacia causae hic certissime subest. Nemo enim practitorum eiusmodi nocuum effectum obseruauit, potius fere omnes demulcentem et resoluentem virtutem eidem inesse affirmarunt, et nosmet ipsi frequen-

f) In Medic. Danor. domest. p. 26.

g) Diff. cit. de Remed. domest.

h) Vid. Chemiae Tom. II. edit. Lugd. Bat. 1732. p. 77.

i) Inprimis si ea methodo praeparatur, qua TOZZETTIVS usus fuit: scil. *baccas maturas in aqua decoxit, pulpam per scitaceum transmisit, et lenio igne inspissatam in vase reposuit, cuius postea superficies crusta saccharina quasi obducta fuit. Roob ita paratum eximii usus, suauis quam vulgare, odore minus acuto, et proinde neruos minus stimulare dicitur. Vid. Eius Hort. Florent. p. 146. Alium praeparationis modum recensuit KALMIUS Reisebeschreib. I. Band p. 25.*

k) Mat. Med. Tom. II. p. 336.

l) In Flora Carniolica p. 354.





quentissime et copiosissime eandem in obstructione viscerum, praecipue glandularum mesaraicarum in infantibus, nec non in scabie, aliisque sanguinis impuritatibus, praestantissimo cum effectu, vti solemus. Eiusdem etiam in lue venerea, arthritide et calculo praestantiam, et quod de saluberrima eius virtute nos maxime convincent, urinam inde coenotam redditam cognouerunt FERNELIVS <sup>m)</sup>) et BAGLIVIVS <sup>n)</sup>). Podagricis doloribus saepe vexatus HILLIVS, a nullo remedio plus leuaminis expertus fuit, quam Bardanae decocto <sup>o)</sup>). Taraxaci radicem minus quidem agiliū partium suppeditare, et herbam eam superare, ostendit DELIVS <sup>p)</sup>); ast cum nunquam desint radicalia folia, et per totum fere annum integra haberi possit planta, facile Cel. huius Viri consilium sequi, et recentem plantam, radicem ac folia, adhibere possumus. Huius succus lacteus, nec acris, nec dulcis, egregie coagula dissolvit, et fibras, ad novas in fluida actiones, sollicitat. An aqua, fermentatione parata, praestantior sit succo expresso, in dubio relinquimus. Taraxaco congenere plantae, siue illae, quae florem ex lingulatis flosculis compositum gerunt, plurimae, vt sunt Endivia, Cichoreum, Tragopogon, Sonchus, Lactuca <sup>q)</sup>) virtutibus sane conueniunt; <sup>r)</sup>) immo cum his aliae ex indigenis, praecipue

C 2

Sapo.

<sup>m)</sup>) Vid. Therapeutic. Libr. VII. Hanou. 1610. edit. p. 137.

<sup>n)</sup>) In Operib. cit. p. 98.

<sup>o)</sup>) Vid. The management of the gout with the virtues of Burdock, Londini reiteratis vicibus edit. Conf. Götting. Gel. Anzeig. 1759. 143 Stück. Ad dolores rheumaticos pertinaciores sequens remedium commendauit RAZOVX: sumatur rad. Bard. recent. sesquiuncia, et ex libra dimidia aquae fontanae ad consumptionem dimidiaie partis coquatur, ita in pulvem quasi redacta, addatur mellis despumati vncia dimidia, et cum aequali parte lactis Vaccini, recens emulsi, miscetur. Vid. Eius Tables Nosologiques Basil. 1767. p. 256.

<sup>p)</sup>) Vid. Diss. de Taraxaco, Erl. 1754.

<sup>q)</sup>) Lactucam praeterea pro aluo emollienda frequenter commendauit antiquitas, eademque AVGVSTVM, MVSAE prudentia, conseruatum fuisse, nemini ignotum erit. Inter recentiores in eius laudem multa congeffit STENZELIVS Progr. de herculeis minus herculeorum virtutibus. Witteb. 1745.

<sup>r)</sup>) Harum plurium, patriarum imprimis plantarum praestantiam, egregie exposuit Ill. van SWIETEN; Verba Eius in Commilitonum gratiam repetamus: *Omni-*





Saponariae<sup>s)</sup> et Graminis,<sup>t)</sup> canini dicti, radix comparari poterit. Si vero fortiolem ex radicibus nostratibus desideramus medicinam, plures in promptu habemus, quarum autem multae, prout iterum caractere botanico conueniunt, ita et eandem virtutem exercent, hinc vnam vel alteram modo eligere, reliquas autem spernere possemus. Sunt scilicet vmbellatarum radices Imperatoria, Leuisticum, Angelica, atque cum his, licet externo habitu diuersae, comparandae aliae, Vincetoxicum, Helenium, Carlina, Petasitis etc. Harum instar omnium merito aestimarunt practici Pimpinellam. Inter vulgatissimas herbas, quarum praecipue folia in usum veniunt, Fumaria, Trifolium fibrinum, et Beccabunga triumviratum fere tenent. Priorem saluberrimam herbam optimo iure dixit HOFFMANNVS,<sup>u)</sup> eiusque et reliquarum succo, inprimis recens

*um maxime et summo quidem iure laudari solent decocta ex herbis illis amaris lactescentibus, quae et frigidae dicuntur, quia nunquam calorem augent, licet magna etiam copia sumantur, et potentissima soluendi vi pollent. Omnibus illis leuis amaror inest, omnes vulneratae lacteum succum, sed leuiter amarum et aromaticum fundunt, qui succus omnia fere cognita remedia vi soluente superat, neque interim, dum agit, vllas turbas in corpore excitat, unde tanti usus sunt in acutis, aequae quam in chronicis morbis. Sic pessimum illud atrae bilis viscidum nunquam tutius, nunquam feliciter soluitur, quam pertinaci harum barbarum usu; simul bis plantis videtur inesse leuis anodyna vis, sed tuta, neque vnquam noxia, licet etiam magna copia usurpentur. vid. Comment. in BOERHAAVII Aphorism. T. II. p. 165.*

s) Conf. CARTHEUSERI Diss. cit. de Saponaria.

t) Multum valere in morbis hanc radicem multiplici experientia cognouimus, attamen in laudibus eiusdem nimium fuisse KNIPHOFIVM facile concedimus. Vid. Eius Diss. de Gramine leuidentis et praecellentissimo, Erford. 1747. Virtutem anthelminticam proprie nullam possidere facile, inane vero medicamentum esse, nunquam concedimus. Vid. BEIREIS Diss. cit. §. 22. p. 58. Ex multis, quae adducere possemus, et radicis huius virtutem egregie probant, testimoniis, duo saltem annotemus: Inspissatum radicis succum Mannae proprietates et usum habere, eamque optimum vaccis, praecipue grauidis, pabulum praebere GLEDITSCHIVS monuit loc. cit. Calculos, hiemali tempore in bouum corporibus natos, vernali tempore iterum resolvere LOESECKE asserit, eiusque salutarem usum in proprio corpore expertum esse retulit. Vid. *Abbandl. der auserlesenen Arzneymittel* p. 265.

u) De Remed. domest. p. 31. Trifolium siue Menyanthes dum coquitur, sit recens vel exsiccatum, gratissimum spirat odorem, illi fere similem, quem Lupulus, cum cereuisia





recens expresso, in omnibus morbis chronicis, praesertim in obstructione et infarctu viscerum, nec non in depuranda humorum massa, solidorumque tono restituendo vix datur praestantior herba. Ex multis denique, quae in nostris pratis vbique habitant, et florendi maxime tempore egregias vires exercent, tres alias adhuc nominemus. Prima sit Hedera terrestris, quae, bene monente CARTHEVSERO,<sup>x)</sup> principia valde actiua et praestantiora omnino, quam vulgo creditur, in naturali mixtione fouet, et hinc in variis morbis optime conducit; notamus nunc modo succum expressum in cephalalgia inueterata, remedium, vt RAIVS<sup>y)</sup> scribit, auro aequiparandum praebere, et si etiam eandem non radicitus expellit, multum tamen minuit, teste SEGVIERIO.<sup>z)</sup> Millefolii herbam et flores in compescendis spasmodicis affectibus vix vlli alii

## C 3

reme-

cereuisia coctus, excitare solet, hinc etiam loco huius ad eandem condiendam a multis commendatur. Et cum Lupuli saepe annona occurrat, cum hac, copiosissime crescente multumque luxuriante, planta, tentamina essent instituenda. Animalibus domesticis, Quibus inprimis, saluberrimum praebet alimentum. Neque cedit ipsi Absinthio Trifolium, licet prioris salem multis encomiis laudauerit IAC. GRAINGER, scripseritque praeter Corticem peruuiianum et Mercurium dulcem se efficacius remedium non cognouisse, modo iusta dosi ad scrupulum et drachmam propinetur. Vid. Eius Historia febris anomaliae Batauae, Edinburgi 1753. et recus. Altenb. p. 137. Trifolio huic analoga quoque est Beccabunga, a veterinariis etiam multum aestimata, modo virtute magis cum Nasturtio conuenit, huic autem propter mitiorem vim merito praeferenda. Succum eius expressum, externe applicatum, vt specificum, in carcinomate commendauit KANNEGIESSER in Nou. Act. Nat. Cur. Tom. I. p. 163.

x) Mat. Med. Part. II. p. 435. Non possumus non, quin GLEDITSCHIVM, de hac planta differentem, introducamus. Ita ille: *Ist eines der vorrefflichsten Arzueygewaechse von Deutschland, welchem bey seiner ausnehmenden Eigenschaft und Wirksamkeit weiter nichts fehlet, als daß es nicht aus Ostindien kömmt, und theuer bezahlet werden muß. Sein Geruch ist schwer, unangenehm, balsamisch, der Geschmack bitterlich und mäßig scharf. Es ist eine der gesündesten Pflanzen zum Futter für die Schaafe, verwahret das gesunde Vieh vor der Schwache und Verstopfung der Eingeweide, folglich gegen die Raende, Geschwulst, und Faeule etc.* Vid. libr. cit. III. Theil p. 347. Doliis immittitur ad clarificandam cereuisiam ab Anglis, et loco Mori pabulum Phalaenae, quae triuiali nomine bombyx mori dicitur, praebere, docuit IVS TI Goetting. Policeynachricht 1757. p. 23.

y) Sylloge cit. p. 244.

z) Plantar. Veronens. Tom. I. p. 305.





remedio efficacia cedere, multi, HOFFMANNO <sup>a)</sup> quasi duce, affirmarunt, eiusque infusum vel decoctum contra haemoptysin, haemorrhoides, et praecipue rheumatismum in Norwegia probatissimum esse, GYNNERVS <sup>b)</sup> retulit; et aquam, fermentatione paratam, sedatiua virtute pollere, et in nephriticorum vomitu sine pari esse, expertus docuit ROSENIVS. <sup>c)</sup> Chamomillae denique flores intestinis amicissimos esse, plurimasque virtutes <sup>d)</sup> possidere, facile consentiunt omnes; vnicam modo memoremus, ex qua praestantiam eorundum luculentissime cognoscimus. Aqua vel decoctum specificum constituit antifebrile, hancque virtutem non modo veteres, sed et recentiorum multi cognouerunt, immo prostant historiae de intermittentibus, quae Chinae corticis efficaciam eluserunt, hac autem medicina felicissime profligatae fuerunt <sup>e)</sup>. Par illud nobile plantarum vel ideo quoque nostram considerationem meretur, quod ex floribus destillatione oleum obtinemus, colore sapphirino ab aliis, forte omnibus, oleis diuersissimum. Fragarum

- a) Diff. de Remed. domest. p. 29. Vid. quoque Eius Diff. de Millefolio Hal. 1719. edit. qua inter alias virtutes etiam consolidantem in laesionibus et exulcerationibus internarum partium et in phthisi maxime egregium extollit. Conf. etiam VOGELII Hist. Mat. Med. p. 70. Extractum, ex hac planta diuersum, aquosum, spirituosum, et mixtum siue aquoso spirituosum parandum suadet POERNERVS, quorum prius lenem resoluentem, cum roborante coniunctam, simulque abstergentem, consolidantem et condensantem, alterum roborantem, exsiccantem et balsamicam, tertium vim lenissimam resoluentem cum roborante et balsamica coniunctam, habere ostendit. Vid. Eius Pharmaciae delineatio Lips. 1764. p. 186.
- b) Flor. Norweg. p. 71.
- c) In Examine aquarum destillatarum Vpsal. 1743. p. 17.
- d) Conf. VOGELII Hist. Mat. Med. p. 144. vbi etiam notata fuit eius antiseptica virtus, per PRINGLIi experimenta confirmata.
- e) Conf. MORTON de Morbis vniuersalibus edit. Operum Amstel. 1696. 8. Tom. II. p. 64. HOFFMANN de Remed. domest. p. 29. HEISTER de Medic. Germ. p. 13. BOERHAAVI Chem. cit. Tom. II. p. 77. De pertinaci quartana, quae per 36 menses contra omnem medicorum industriam restiterat, floribus Chamomillae tandem expugnata, historiam refert SCHVLZIVS in diff. de Febrium intermitt. curat. antiquis p. 10. Nec desunt forte alia inquilina febrifuga, inprimis notari meretur Chamaedrys, qua Aegyptii frequentissime vtuntur, teste ALPINO in Medicina Aegyptiorum L. Bat. 1718. edit. Libr. IV. p. 316. Conf. et SEGVIER Plant. Veronens. Tom. I. p. 319.





garum baccas, quae et coloris iucunditate, et saporis ac odoris gratia sese omnibus commendant, nunquam et ratione virtutis satis extollere possumus. Easdem, magna licet copia ingestas, nunquam nocere, LVDOVICI<sup>f)</sup>) et alii experti affirmarunt; vsum copiosum et salutarem in hecticis et tabidis sua experientia confirmavit SCHVLZIVS<sup>g)</sup>); lithontripticam vim, a GESNERO<sup>h)</sup>) ante duo fere secula praedicatam, denuo LINNAEVS<sup>i)</sup>) restituit, qui et Ipse hac medicina a podagra perfecte liberatus fuit; et maniacorum, largissimo earum vfu, et inde excitata tandem Diarrhoea curatorum, historias fideliter recensuit Ill. van SWIETEN.<sup>k)</sup>) Salutarem quoque foliis vim inesse, eademque optimum praebere Theae succedaneum, nuper accepimus<sup>l)</sup>).

#### §. 7.

Multa porro ex indigenis, ab antiquissimo tempore laudata, sensim, praecipue ob nimiam copiam et nouorum exoticorumque aestimationem, in desuetudinem abierunt, et ex medentium negligentia ad obsoletas merces relata fuerunt. Horum nonnulla nouis denuo experimentis perlustremus, ipsisque pristinum honorem restituamus. Peucedani radix, qualis in officinis asseruatur, exsiccata est, cariota et deprauata, hinc nullius vsus, et ad exoletas relata; si vero eadem, vt DIOSCORIDES<sup>m)</sup>) iam monuit, recens, minime cariota, solida, odoris plena eligitur, efficacissima erit; recens namque vulnerata radix flauum gummi resinosum, graueolentem emittit liquorem, eumque Ammoniaco, Galbano, aliisque

f) Pharmac. cit. p. 180. copiosius assumptos fructus caput tentare et inebriare, contra canem experientiam, scripsit CAESALPINVS de Plantis Libr. XIV. cap. 18. pag. 554.

g) In Diss. de Fructibus horraeis p. 13.

h) In Epistol. Libr. III. p. 92. b.

i) Vid. Floram Suecicam edit. II. p. 175.

k) Comment. cit. To. III. p. 480.

l) Vid. Wittenberg. Wochenblatt 1769.

m) Mat. Med. Libr. III. cap. 92.





que eiusmodi gummatibus exoticis aequiparandum, et in obstructionibus viscerum, a materia crassa, viscida et lenta oriundis, efficacissimum, aliisque multis in morbis praestantissimum esse, luculentissime exposuit DELIVS.<sup>n)</sup> Lapathi et acuti, et sanguinei, herbae Britannicae, et Rhabarbari monachorum radices, seorsim in officinis asseruatae, et a veteribus maximopere aestimatae, postea neglectae fuerunt. Inest autem omnibus forte Lapathi speciebus egregia virtus, et licet recentiorum laudes ad exoticas species praecipue pertineant, tamen nostrates quoque, scilicet Lapathum acutum, crispum et aquaticum, quod vltimum forte ipsa erit Britannica, et a Virginiana specie, quam LINNAEVS eo triuiali nomine appellauit, non multum differt, eadem efficacia pollent. Ita Rumicis siue Lapathi crispi radicem contra scabiem a Tranoensibus externe applicari et in decocto propinari, illudque etiam in ictero valere, GVNNERVS<sup>o)</sup> retulit, aliam, forte aquaticae, radicem in quartana non sine successu optimo adhibuit BAECKIVS<sup>p)</sup>, eademque aequae ac Virginiana Britannica<sup>q)</sup> vlcera cacoethica sanabit. Marrubium, inusitata planta, in foliis non tantum actiuam fixam, resinoso-gummosam substantiam in naturali mixtione fouet, sed etiam subtile et mobilissimum spirituosum principium continet, atque hinc in vsum merito reuocauit CARTHEVSERVS, eidemque abstergentem, irritantem, aperitiuam, pecto-

<sup>n)</sup> In Diff. de Peucedano germanico Erlang. 1753.

<sup>o)</sup> Flor. Norweg. 23.

<sup>p)</sup> Vid. Schwed. Acad. Abbandl. 17 Band p. 27.

<sup>q)</sup> Huius virtutis notitiam debemus Cel. COLDENIO, qui ipse ita refert: *Haec planta est secretum magnum nostris indigenis, ad vlcera phagedaenica, ad quod Christianis reuelandum quocunque pretio allici non potuerint, sed felici casu detectum. Eo enim vidi vlcus palati phagedaenicum, in quo os palati peresum erat, cum successu inopinato, curatum, lauando solum modo vlcus decocto radice, et haustu eius quotidie exhibito.* Vid. LINNAEI Amoenit. Vol. IV. p. 522. LINNAEVS quoque vel Eius Respondens Diff. de Censura simpl. scribit: *Britannicae radix, iuxta aquas crescens* (hinc forte intelligit nostram aquaticam speciem) *in vlceribus cacoethicis specifica per totum regnum hodie cognita et approbata, virtute eiusdem a Praefide demonstrata,* vid. libr. cit. p. 38. Lapathi acuti radicem in tinctoria arte aestimauit HELLOT, conf. Stutgard. Sel. phys. Oecon, I Band p. 508.





pectoralem, diureticam, et emmenagogam virtutem tribuit<sup>1)</sup>. Læ-  
tamur de prouentu plantae, per longius temporis spatium exole-  
tae, a FEHRIO, STAHLIO, praecipue BÜCHNERO<sup>2)</sup> restituta.  
Arnica haec est, panaceae lapforum titulo merito ornata; sua enim  
stimulante et resolvente virtute in sanguinem stagnantem et extra-  
uasatum efficacissime agit, eundemque feliciter dissoluit. Betoni-  
ca, quam ad septem et quadraginta morbos commendauerat ANT.  
MVSA<sup>3)</sup>, ad languida et minoris efficaciae remedia nunc a plerisque  
referri solet; est vero omni sua parte nobilis, eiusque cephalicam  
virtutem non imaginariam, sed realem esse, firmandisque nervis  
idoneam, acrem vero, et radicem recentem aluum, folia sternuta-  
tionem mouere, denuo docuit SCOPOLI<sup>4)</sup>. Quam simpliciter Po-  
lychrestum CORDVS<sup>5)</sup> dixerat, dein autem Oreoselini nomine re-  
ceperant officinae planta eadem experta fuit fata, nec dum hodie pri-  
stino honori restituta. Apud plures enim recentiorum, qui de Materia  
medica ediderunt commentaria, altum est de eadem silentium, et  
nisi LOESECKE<sup>6)</sup> et inprimis SCHMIDELIUS eius patrocinium su-  
sceperant, forte diu adhuc inter obsoletas mansisset. Resoluentem,  
praecipue diureticam, et lenem diaphoreticam, cum tonica con-  
iunctam, in omnibus plantae partibus, per instituta experimenta,  
luculenter demonstravit Celeberrimus hic Practicus; <sup>7)</sup> et licet se-  
men odore suo, nares acriter ferente, et sapore graui, corticum  
Auran-

1) In Diss. de Marrubio albo et Alchimilla Francf. 1753. decoctum eius, sanguini  
admixtum, eundem magis rubicundum et fluidum reddit, quam affusus Spiri-  
tus Salis ammoniaci. Vid. SCHWENCKII Haematologia p. 187.

2) Vid. Diss. de principiis et effectibus Arnicae, Erford. 1741. qua in compendio  
omnia legimus, quae de eadem planta alii scripserunt. Conf. CARTHEUSERI  
Mat. Med. P. I. p. 419. In sugillationibus quoque, externa vi animalibus illa-  
tis, decoctum Arnicae egregie prodesse, testatur SCHREBERVS in der Samm-  
lung vermischter Schriften I Theil p. 225.

3) Liber Ipsi tribuitur de herba Betonica, qui cum PLINIO VALERIANO Basil.  
1528. fol. et dein cum aliis editus fuit.

4) Flora Carniol. p. 462.

5) Plantar. Libr. II. cap. 125. p. 155. b)

6) libr. cit. p. 187.

7) Diss. cit. de Oreoselino.





Aurantiorum non absimili, nec non radix, quae recenter dissecta, succum lactescentem subamarum, in resinam ex rufo auream et perlucens concrecentem, fundit, multum utilitatis promittant, folia tamen eius ampla, pediculis undique ad angulum rectum reflexis, tanquam singulari caractere notata, reliquis partibus praeferre ideo volumus, quia minus calorem sanguinis augent, eorumque infusum, palato gratum, et sapore ac odore corticis Citri quasi imbutum, cum voluptate assumitur, neque facile, ut aliae theiformes potiones, debilitatem producat, potius ventriculi tonum magis restituat. Commendamus Commilitonibus herbam, cuius magnam copiam quotannis in aegrorum commoda consumimus, et in multis morbis efficacem deprehendimus. Ex aromaticis herbis plures nominare possemus, quarum rarius esse solet usus. De *Mentha* nuperrime conquestus est Ill. van LINNE <sup>a)</sup> *hodie, quam prouti oportet, parcius exhibita*; neque propterea, quod vel malam plantam veterum multi dixerunt, vel ARISTOTELES <sup>b)</sup> *mentham in bello nec serito nec edito, monuerat*, et eo ipso generationi contrariam facultatem quasi probauerat, illam negligamus, potius ob aliam, veteribus Geoponicorum Scriptoribus <sup>c)</sup> iam notissimam virtutem, qua lacti immista prohibet, quo minus coeat, concreseatue, maximi aestimemus. Vele sola hac proprietate singularem, et fere sine pari plantam facile cognoscimus, ut hinc LINNAEO gratiae agenda sint, quod eandem, eiusque egregias virtutes resoluentes, neruinas, antaphrodisiacas <sup>d)</sup> partim in memoriam revocare, et ab interitu vindicare, partim novis argumentis corroborare voluerit. Sedum maius et minus haud iusto aestimatur pretio a medentibus; acre sic dictum imprimis frequentiori usu com-

men-

a) In Diss. de *Mentha*, inserta *Amoenit. Acad.* Vol. VII. p. 282.

b) *Problem.* 2. Sect. 20.

c) *libr.* XII. cap. 24.

d) Vel ut in fine dissertationis scripsit: *hinc patet egregius Menthae usus in hysteria, colica, menorrhagia, humonibus mammarum, leucorrhoea, surditate, calculo, asthma, vomitu, tussi convulsiva, et quod humores solvat, lactis coagulationem impedit, emmenagogum sit, stomachicum, ructans, antaphrodisiacum, vulneribus noxium et somnum arcens.*





commendandum erit ; intus enim datum egregium est emeticum, <sup>e)</sup> eiusque decoctum, cum lacte vel cereuisia paratum, scorbuticis inferuire, dudum BORRICHIVS <sup>f)</sup> et nuper GYNNERVS <sup>g)</sup> comprobaverunt. Nec Branca ursina, siue Sphondylium partim propter usum in plica polonica experientia confirmatum, partim ob variam et multiplicem apud Kamtschadalenses <sup>h)</sup> utilitatem, debet à nobis negligi, eiusque memoriam bene reuocauit CARTHEVSEVS <sup>i)</sup>. Alchimillam in infuso vinoso commendauit, idemque in intermittentibus eandem, ac Chinae corticem fere efficaciam praestantiamque habere, asserit GLEDITSCHIVS <sup>k)</sup>. Inter eas denique plantas, quarum virtutem dubiam crediderunt, et hinc neglexerunt recentiores, merito adhuc notari debet Anagallis, cuius efficaciam contra venenatum canis rabidi morsum nuper fide dignis testimoniis confirmarunt BRVCHIVS <sup>l)</sup> et SCHRADERVS <sup>m)</sup>. Eandem quoque vim Asperulae odoratae, iusto minus aestimatae, inesse, recentio-

D 2

rum

e) Idem testatur BELOW in Ephemerid. Nat. Cur. Dec. II. an. 6. et 7. p. 49. et confirmatur a BOERHAAVIO in Hist. Plantar. p. 369. et LINNAEO in der Westgothischen Reise.

f) De usu plantar. indigenar. p. 54.

g) Flor. Norweg. 60.

h) Conf. Stralsundisches Magazin 2. St. p. 168.

i) Diss. de Branca ursina, Francf. 1761.

k) Vermischte Abhandl. III. Theil p. 348.

l) In Diss. de Anagallide Argent. 1758. Qui etiam monuit, huius saporem ad radicem Senekam proxime accedere, licet huius vis in guminosis, Anagallidis in resinosis partibus haereat; praeterea retulit, ob eximiam plantae virtutem in Ducatu Bipontino et per totum Bambergensem Principatum publico mandato iussum esse, Anagallidem quotannis colligi, ut sufficiens semper quantitas in quavis villa asserueretur.

m) Vid. Diss. de Anagallide, Halae 1760. Eius quoque virtutem partim in hominibus, singulari exemplo comprobauit, partim in Vertigine aliisque similibus Ouium morbis exposuit SCHREBERVS Collect. cit. Tom. II. p. 317. et Tom. VIII. p. 424. Dubitat vero adhuc de virtute Anagallidis BEIREIS et scribit: Videamus, ne inania sequamur aetatis Helmontii somniis adstantis et indulgentis temere purpureo colori, cuius nomine ubique gentium celebratur; audent inconsulti rabiosi canis morsum inde sanare, etc. vid. Diss. cit. p. 45.





rum nonnulli cum GLEDITSCHIO <sup>n)</sup>) declararunt. Inter flores, ad obsoletorum classes relatos, notari debet Cyanus segetum. Inesse autem iisdem peculiarem mixtionem, et inde acquisitum, Ultramarino simile pigmenti praeparatum <sup>o)</sup>), et HOFFMANNI auctoritas declarat, qui florum decoctum in vrinae suppressione laudauit, et ad eius fluxum promouendum nil potentius dari affirmavit <sup>p)</sup>). Parum hisce floribus ipsimet confidimus, repetita vero experientia, infusum florum pro aluo laxanda <sup>q)</sup>) vtilissime adhibitum fuisse, cognouimus. Viridis ille, qui Iuglandis nuces recentes inuoluit, cortex laudatus fuit ab antiquis. Cur Roob inde paratum, a GALENO <sup>r)</sup>) memoratum et magnae virtutis ad faucium phlegmonem tollendam laudatum, neglectum fuit? Magna illius certe est efficacia, et aquam, ex nucibus viridibus paratam, in intermittentibus SORIANVS <sup>s)</sup>), et decoctum expertae virtutis ad luem veneream perdomandam RAMAZINVS <sup>t)</sup>) laudarunt. Ne vero in his recensendis nimis prolixiores simus, multas alias, perperam haecenus neglectas plantas, lubenter tacemus, et vnicam modo adhuc commemoremus. Est illa Thymelaea siue Daphne mezereum. Huius baccae, Cocci gnidii nomine notae, merito ex officinis praescribuntur, corticem vero eo magis debemus aestimare, cum non solum eundem externe contra spasmos applicare soleant Dalenses <sup>u)</sup>), sed etiam secundum RÜSSELI <sup>x)</sup>) experientiam eius decoctum in venereis

n) libr. cit. II. Theil p. 159.

o) Vid. *Universal-Magazin* 1752. p. 220. vel ex hoc germanice im *allgemeinen Magazin* IV. Theil p. 237.

p) De Remed. domest. p. 35.

q) Eundem effectum seminibus tribuit PONTEDERA in Dissertatt. cum Anthologia edit. p. 210. Ast Cyani floribus nos commode carere posse asserit LINNAEVS *Amoenit.* Vol. IV. p. 32. et BEIREIS loc. cit. p. 48.

r) De Compositione Medicamentor. Libr. VI. cap. I.

s) In Experimentis medicis, Madriti 1599. 8.

t) Conf. Opera p. 143. et BAGLIVII *Prax. Med.* Libr. II. c. 9. edit. Oper. p. 207.

u) Vid. GYNNERI *Flor. Norweg.* 18.

x) Conf. *Medicinische Bemerkungen der Aertzte in London*, III. Band p. 261. Corticem vero exulcerationem externam corporis efficere BARBEIRAC in *Formul.* p. 451. asseruit.





nereis! ossium tophis salutarem effectum exercent, idemque nec nauseosum saporem habeat, nec alia incommoda exciter, modo iusta adhibeatur copia et dosi.

§. 8.

Ex his itaque, quae §. 6. et 7. notauimus, exemplis, clarissime apparet, neutiquam nobis deesse polychresta indigena medicamenta, modo, ut PLINIVS <sup>y)</sup> verissime scripsit, *ita comparatam esse naturam, ut proximorum incuriosi, longinqua sectemur; seu quod omnium rerum cupido languescit, cum facilis occasio est; seu quod differimus tanquam saepe visuri, quod datur videre, quoties velis cernere.* Verum non solum de his, quas a veteribus accepimus, medicatis plantis indigenis rite aestimandis et conseruandis debemus esse solliciti, sed et omnes domesticas diuitias perlustrare, et an non alia supersint polychresta pharmaca, quibus officinas nostras locupletare possimus, omni studio elaborandum erit. Idem a variis recentissimo tempore factum esse, et exotica aequae ac indigena noua remedia nos accepisse, neminem quidem fugit, iuuabit tamen et horum nonnulla speciatim nunc recensere, et occasionem praebere, in indigenarum virtutes vltius inquirendi. Rebus in exiguis commoda multa latere, imperfectae sic dictae plantae, Musci et Lichenes maxime, luculenter declarant. Praeter parietinum et candelarium, contra icterum laudatos <sup>z)</sup>, notari meretur Lichen aphthosus, a virtute ita dictus, cuius vero decoctum quoque vomitum et aluum mouere, simulque anthelminticam virtutem exercere, tradidit van LINNE <sup>a)</sup>; nec non cinereus terrestris, ex quo et pipere nigro compositus fuit ille puluis antilyssus, a Societate Regia Anglicana, postquam a DAMPIERII familia arcanum acceperat, liberaliter descriptus, et in sola forte Phar-

D 3

maco-

y) Libr. VIII. epist. 20.

z) Vid. GUNNERI Fl. Norweg. 75 et 103.

a) In Diss. de Purgant. indigenis. Vid. Amoenit. Vol. VII. p. 305.





macopoea Londinensi receptus. Laudauit huius virtutem in hydrophobia auertenda MEADIVS, <sup>b)</sup> et licet eandem dubiam reddiderit, et an non piperi potius, vel simul adhibendo balneo, maior pars tribuenda, monuerit van SWIETEN <sup>c)</sup>, subtilem tamen eius et penetrantem acredinem per experimenta stabiliuit CARTHEVSERVS <sup>d)</sup>. Inter gramina et adfines plantas Carex arenaria notari debet, quae radicem habet vndique repentem et luxuriantem, odore balsamico terebinthinacio praeditam, eamque, et inprimis eius extractum, variis menstruis paratum, GLEDITSCHIVS <sup>e)</sup> multum aestimauit, eandemque loco Sassaaparillae frequenti vsu adhibitam fuisse, retulit. Solani, Dulcamara dicti, radix, a nonnullis quidem medicis aestimata, et contra varios morbos commendata fuit <sup>f)</sup>, in huius autem locum aliam plantae huius partem, stipites scilicet, substituere, et ita nouo remedio tabernas nostras augere debebimus; quippe quorum infusum, vt LINNAEVS quoque docuit, *potenter adeo omnes promouet excretiones, veluti aluum laxat, sudores elicit, menses, lochia et praecipue urinam pellit*, et pergit dein Illustris Auctor, *cum omnia antidota excellentiora contra serpentum ictus, sint pellentia et diuretica, perquam gratissimum nobis esset, si experiri etiam vellent medici nostri, quali et in extinguendo nostrarum viperarum veneno, et in febribus inflammatoriis curandis, haec esset efficacia* <sup>g)</sup>. Ex eodem genere Solanum nigrum quoque in aestimationem venire debet, postquam SPIELMANNVS <sup>h)</sup> docuit, et plantae et baccarum expressum succum,

b) Operum Tom. II. Tent. 2.

c) Commentar. cit. Tom. III. p. 587.

d) In Diss. de Lichene cinereo terrestri Francf. 1762. inprimis p. 14. sq.

e) Vermischte Abhandl. III. Theil p. 122. et 386.

f) Conf. VOGELII Hist. Mat. Med. p. 193.

g) Amoenit. Vol. II. p. 152. Qui et alio loco Vol. IV. p. 39 scripsit: *Folia Solani in usum olim collecta fuerunt, minoris autem utilitatis, sed per aliquot iam annos magno cum leuamine usurpati fuerunt stipites, tanquam medicamentum sanguinem mundificans, in decoctis mundificantibus et lochia pellentibus, vt et in morbis arthriticis praescripti. In mucidis pectoris morbis eosdem inprimis utilissimos laudauit DELIVS in den Fraenckischen Samml. I. Band p. 123.*

h) In Diss. de Vegetabilibus venenatis Alsaciae p. 68.





cum, interne datum, nullum morbosum symptoma, largissimam potius urinae excretionem excitasse. Caryophyllatae altera indigena species, quae palustris siue riualis dicitur, et in usum adhibita non fuit, in America septentrionali, teste KALMIO <sup>i)</sup>, specificam antifebrilem efficaciam exserit, et quae cum huius radice, ante efflorescentiam effossa, odore destituta, et sapore austero atque adstringente praedita, in Suecia instituit examina. BERGIVS, <sup>k)</sup> hanc quidem virtutem quodammodo limitarunt, at tamen nonnunquam et febrem profligasse, et in aliis morbis, diarrhoea chronica, haemorrhagia uteri et f. p. optimum auxilium tulisse, accepimus, ideoque hanc radicem in officinas recipiendam esse, merito desideravit. Salicaria vulgaris, Ill. de HAEN experientia <sup>l)</sup>, efficaciter medetur diarrhoeae et dysenteriae, quae a laxitate intestinorum originem sumsit, et chronica facta fuit. Sagittaria quoque sagittifolia, quae, teste OSBECKIO <sup>m)</sup>, in China, maximo incolarum commodo, colitur, cuiusque radix inter alimenta refertur, a nobis quoque non negligi, sed ratione virtutum medicarum studiosius disquiri debebit; ut et Callae palustris radix, in paludosis nostris sylvis copiose crescens, ex cuius stolonibus, licet, ut congeneris Ari radix, adurentem fere saporem habeant, panem sapidum conficere solent Bothnienses. <sup>n)</sup> Plures forte, quae efficacia pollent, et inter medicamenta domestica referri possent, nominandae adhuc essent plantae, ut est Persicaria acida, <sup>o)</sup> Euonymus europaeus, <sup>p)</sup> Salix pentandra <sup>q)</sup> et aliae, atque inprimis illae ad-  
ducen-

i) Vid. Eius *Reisefchreibung* Tom. II. p. 518.

k) Vid. *Schwed. Acad. Abhandl.* XIX. Band p. 112.

l) Vid. *Ratio Medendi* P. III. p. 195.

m) *Schwed. Acad. Abhandl.* XIX. Band p. 50.

n) Conf. LINNAEI *Flora Lapponica* p. 250. eademque pro nutriendis immo saginandis suis laudatur in *Wittenb. Wochenblatte* 1768. p. 249.

o) De qua egit SCHULZIVS in singulari dissertatione, Hal. 1735. edita.

p) Qui curiosiorem disquisitionem vel ideo desiderare videtur, quia lignum eius, dum tornatur ab artifice, vomitum in eodem excitavit, ut relatum legimus in *den Abhandl. der Schwed. Acad.* XXVI. Band p. 254.

q) De qua erudite disseruit HARTMANNVS, in *Diff. de Salice laurea odorata*. Traiect. ad O. 1769.





ducendae, quae tanquam venena haecenus neglectae, a STOERCKIO autem inter praestantissima et tutissima remedia relatae fuerunt. Verum nondum decisa res est. Plurimi ex Cicutae interno usu speratum effectum haud quaquam obtinuerunt, alii ab Hyoscyamo, Aconito et Datura loco salutaris virtutis incommoda et noxas obseruarunt, et Colchici Oxymel in diuresi promouenda minus actuosum, et in Hydrope curando cum Armoraciae succo neutiquam comparandum, repetita vice cognouimus. Possemus ad indigenas etiam referre eas, quae vel in hortis nostris fere sponte et sine omni labore luxuriant, vt est Acriuiola, vel, etsi culturam desiderant, vbique tamen locorum occurrunt, vt Aurantium<sup>r)</sup>. Verum cum pauca sint, quae medicum nobilitant, remedia, plura adducere, nostramque vberriam supellectilem nouis diuitiis augere, nolumus. Ex his, quae annotauimus, abunde patebit, nos commode posse indigenis et vbiuis obuiis, notis cognitisque uti, neque indigere exoticis, pretiosis, atque ignotis; attamen si pharmacopoeiarum officinas spectamus, et earum reformationem instituimus, haec nobis semper in memoriam redeat regula: Omnia explore, et quod bonum fuerit, retinete.

r) Cuius folia in infuso et puluere propinata, in insultibus epilepticis refraendis primum laudauit de HAEN, et nouis experimentis confirmauit LOCHNERVS in obseruatt. practicis circa luem veneream, epilepsiam, etc. Viennae 1762. edit. p. 47.





FACVLTATIS MEDICAE

IN

ACADEMIA WITTEBERGENSI

H. T. DECANVS

GEORGIVS RVDOLPHVS  
BOEHMER

PHILOS. ET MEDIC. DOCT. ANAT. ET BOTAN  
PROF. PVBL. ET PHYSIC. PROVINC

PANEGYRIN MEDICAM

AD D. XXXI AVGVST. A. R. S. CIDICCCLXX

HABENDAM

INDICIT

PRAEMISSA

DE PLANTARVM SUPERFICIE

EXERCIT. TERTIA





## DE PLANTARVM SUPERFICIE EXERCITATIO TERTIA.



Ad externum plantarum habitum, partiumque figuram, colorem, et superficiei proprietates varias medici praecipue respexerunt, et ex his internae mixtionis atque virtutis quasi characteres eruere laborarunt. Hinc orta illa de rerum signaturis doctrina, a PORTA, GVDRIO, CROLLIO, CRAVSIO aliisque exposita atque defensa, sequenti autem et recentiori tempore refutata atque neglecta. Neque eandem denuo efferre vel defendere volumus, lubenter potius concedimus, nimium progressos fuisse Cel. Viros, et similitudines rerum saepissime vel adsumsisse, vbi nullae fuerant, easdemque finxisse, vel minus recte vsurpasse, et virtutes inde deduxisse, quae nullo modo insunt, et experientia neutiquam sese exerunt. Atque abusus ille non omnem tollat usum. Est omnino in externa plantarum facie aliquid, idque multiplex et varium, ex quo internam mixtionem et inde pendentem virtutem derivare atque cognoscere, etsi non semper, aliquando tamen, possumus.

Nonne plantae in fructificatione convenientes, plerumque etiam viribus conueniunt? vt forte primum exposuit CAMERARIUS<sup>g)</sup> postea

HUBEN-

<sup>g)</sup> In Diss. de conuenientia plantarum in fructificatione et viribus, Tubing. 1699.





HEBENSTREITIVS <sup>b)</sup> aliique. Nonne, si et priorem canonem, rationibus et exemplis a GLEDITSCHIO <sup>i)</sup> exhibitis permoti, limitare debeamus, cum LINNAEO <sup>k)</sup> affirmandum? *plantae, quae ordine naturali continentur, etiam virtute propius accedunt, quaeque classe naturali congruunt, etiam viribus quodammodo congruunt.* Verum nec in hanc litem nosmet immiscere nunc volumus, potius ad solam, stricte sic dictam, superficiem regrediamur, eandemque de interna virtute egregios saepe characteres praebere, exemplis quibusdam illustremus.

Et inter illa, quae ad superficiei contemplationem nos quasi inuitare videntur, merito primum locum desiderant glandulae, vel partes hisce analogae, pili et quae reliqua. Habent quidem plures, immo forte omnes plantae in variis partibus, praecipue in foliis, eiusmodi organa, in quibus peculiaris succus elaboratur, nos vero de illis modo nunc dicemus, quae omnium oculis patent, et secretum eiusmodi humorem odore inprimis manifestum reddere solent <sup>l)</sup>. Ita e. gr. in Calaminthae speciebus vtraque foliorum iuniorum pagina, nudo oculo perforata apparet, et si lentem adhibemus, in alueolis his glandulas animaduertimus, quae balsamicum humorem continent, a quo ipse plantae odor dependet. Balsamita, quae a medentibus neglecta fuit, praestantissima exinde videtur medicina, quod folia alueolata et glandulosa balsamum exsudent, qui inspissatus luteum colorem et resinae consistentiam adsumit, gratissimumque odorem spirat. In Hyperico non solum perforata apparent folia, sed et calix et corolla guttulas balsamicas adnatas gerunt, siue superficiei plantae peculiare folliculi adhaerent, rubicundo humore repleti, quem per experimenta disquisiuit, eumque gummi Laccae et Sanguini Draconis similem, immo praestantiorum inuenit GADDIVS <sup>m)</sup>. Nonne vel ideo Plumbago europa

a 2

ropaea

b) In Diff. de sensu externo facultatum in plantis iudice, Lips. 1730.

i) Vid. Diff. de Methodo botanica dubio et fallaci virtutum in plantis indice, Francf. 1742.

k) Philos. bot. §. 337. p. 278.

l) Ad hunc, in glandulis plantarum secretum, humorem, et inde deriuandam virtutem curatius, quam alii, respexit TOZZETTIVS in Catal. Plant. Horti Florentini, in quo ea inprimis legi merentur, quae de Salvia, Serpillo aliisque p. 121. 168. 173. et aliis locis passim bene notauit.

m) Vid. Schred. Acad. Abbandl. 24 Band p. 115.





ropaea et Fraxinella <sup>n)</sup> a medicis magis aestimandae, quia in priori pili, calici exterius adnati, viscidas guttulas in apice gerunt, et in posteriori superior caulis pars, calix et corollae petala, nec non staminum filamenta et pistillum coloratis crystallis ornata inueniuntur. Nonne Siegesbeckia orientalis et propter calicem, pilis glutinosis auctum, et inprimis semina glabra et viscida, aromaticum odorem spirantia, nec non Carpesium cernuum, vbique in superficie aridum et siccum, semina vero glaberrima, vnguento balsamico quasi illita, et tangentium digitos odore gratissimo inquinantia, gerens, medicamentorum supellectili inferendae? praecipue cum in hortis nostris prior ex seminibus sponte luxuriat, altera autem radice facile multiplicari et in nostro climate conseruari possit. Possemus facile plura plantarum exempla recensere, in quibus puncta glandulosa adsunt, et quae vel ex his medicatis annumerari deberent, vt est Psoralea pinnata et bituminosa, Dracocephalum canariense, Tagetes et aliae. Verum missis his minutiis, quae autem magna sunt naturae miracula, progrediamur ad aliam superficiei proprietatem, medicorum attentione dignissimam.

Colores plantarum, earumque partium varii minus certum de interna virtute praebent criterium, et aphorismus Ill. LINNAEI <sup>o)</sup> *color scil. pallidus insipidum, viridis crudum, luteus amarum, ruber acidum, albus dulce, niger ingratum indicat*, plurimas vbique admittit exceptiones. Inprimis autem fallimur, si ex plantarum colore praesagia desumere vellemus, qui minus constans, potius pro culturae vel aetatis differentia variabilis esse solet. Eiusmodi enim alienus, a viridi diuersus, color morborum <sup>p)</sup> potius, quam naturalis status index erit, atque hinc ab

<sup>n)</sup> De qua nuper in singulari libello egit, eamque medentibus denuo commendauit Cel. STÖERCKIUS.

<sup>o)</sup> Phil Bot. §. 364. p. 286.

<sup>p)</sup> In hortorum et arborum inprimis cultura, signum, a foliorum colore mutato desumptum, magni omnino est momenti. Arbores enim, quae in foecundo solo habitant, et laete crescunt, variegatam foliorum picturam amittunt, dum e contrario illae, quae ex defectu nutritii succi, vel ex propria debilitate in incremento deficiunt, eandem retinere solent; hinc etiam folia, antequam autumno decidunt, plerumque alienum colorem adsumunt; hinc plantae, floribus variegatis instructae, certo modo morbosae dicendae, facile degenerant, propriumque colorem iterum recipiunt. Vid. DU HAMEL *Natur-Geschichte der Bäume*, IV. Buch p. 136.





ab horticultoribus quidem, non vero a medicis aestimari potest. Vna vero coloris species, quae etiam reliquis constantior esse solet, prorsus negligi a medicis haud debet. Est hic niger, vel ad nigredinem quodammodo accedens, vix verbis accurate determinandus, qui tristem aspectum, luridamque faciem plantae constituit. Hic imprimis, si flores et fructus spectamus, plerumque suspectae, immo venenatae indolis index esse solet, vt in Belladonna, Hyoscyamo, Cynoglossa, Periploca, Stapelia, Actaea, Coriaria et aliis cognoscimus; Et si etiam non in omnibus idem valeat, fructusque esculenti aliquando eadem nigredine tincti occurrant, sapienter tamen monuit MANETTI<sup>9)</sup> *si alicui affertur ignota planta, nigris baccis referta, nunquam ipsam edat, antequam innocuam esse, observationibus constet.* Hinc vbique nigrum colorem attentione nostra dignum censeamus, et maculas illas, quae in superficie foliorum secundum naturam in hac vel illa planta inueniuntur, quales Exercit. I. in inferiori superficie Anagallidis et superiori Cyclaminis notauimus, nunquam inspiciamus, quin de singulari plantae virtute simul cogitemus. Praeterea sedulo etiam obseruemus coloris mutationem, quam plantae in exsiccatione subeunt, et si nigredinem adsumunt, omnique arte adhibita in viridi statu conseruari nullo modo possunt, probabili admodum coniectura concludimus ad internam singularem mixtionem, quae eo magis confirmatur, si eiusmodi plantam recentem putrefactioni committimus, et nouam coloris mutationem animaduertimus. Has enim, quae exsiccatae atro colore inficiuntur, plerumque pigmento, coeruleo imprimis, obtinendo inferuire, non solum primo omnium forte LINNAEVS docuit, sed etiam ipsa experientia confirmauit. Melampyrum coeruleum e. gr. in herbariis viuis nunquam naturalem colorem retinet, sed nigredinem semper in omnibus partibus ostendit, per putrefactionem ex eodem tinctoriâ materiam coeruleam obtinuit CRONSTEDTIVS<sup>r)</sup>, quae quidem ad praestantiam illius, quae Indigo dicitur, non accedit, attamen ideo artificibus phylicisque accepta erit, quia color eius coeruleus non, vt quidem alias euenit, acidis additis, sed potius alcalinis admixtis, mutetur et in rubicundum conuertatur. Ideoque

9) Vid. Regnum Vegetabile, Florent. 1756. edit. p. 56.

r) Vid. Schæd. Acad. Abbandl. XLX. Band p. 196.





consilium, quod Ill. van LINNE dedit, hac occasione repetere et commendare volumus, dum scilicet scripsit: <sup>s)</sup> Cui novos in regno vegetabili volupe fuerit colores inuestigare, plantas imprimis obseruet, quae colorem siccatae variant, praesertim ubi a botanicis aut humidae carptae, aut tardius chartas inter bibulas arefactae, ut primum fere gradum subierint putredinis; hoc modo siccatae *Mereurialis perennis*, *Rhinanthus crista* fiunt cineraceae, flores *Loti corniculati* et *Anthyllidis vulnerariae* redduntur coerulei, *Orobis niger*, *Lycopus europaeus*, plurimae parasiticae radicum, ut *Hypocistis*, *Cynomorium*, *Monotropa*, *Lathraea nigrificans*. Simili modo mutatas, et imprimis atro colore tinctas, in herbario construendo, plures animaduertimus plantas, ut est *Buchnera africana*, *Selago corymbosa* et sic aliae. Aliae porro superficiei proprietates a medicis considerari debent. Dum fericeam quasi laeuitatem et mollitiem, a villis pilisque tenerrimis ac mollissima lanugine enatam, animaduertimus, non inepte ad virtutem lenientem et emollientem concludere nos posse, *Althaea* et *Verbascum* declarant. Plantae, quae vel vrentibus stimulis armatae, vel aculeis, spinis, fortioribusque armis instructae inueniuntur, varium etiam et in re medica et oeconomica vsum exercere possunt. Posteriores sepius imprimis construendis aptissimam subministrare materiam, scimus omnes; et paralyticas corporis humani partes Vrticis caedere, vel spinosis hamis, glumarum imprimis fecalinarum, in ophthalmia, aliisque oculorum morbis palpebras scarificare <sup>t)</sup> solemus, aliasque ex superficie <sup>u)</sup> plantarum vtilitates expectamus. Verum supersedemus plura recensere commoda, potius et noxas videamus, de quibus autem proxime. Hic enim in praesenti subsistendum est. Transeamus nunc ad commendationem

No-

s) In Diss. de Plantis tinctoriis; Vid. Amoenit. Vol. V. p. 320.

t) De qua methodo, imprimis an a WOOLHVSLO inuenta, an potius ab HIPPOCRATE iam tradita, et quaenam planta adhibita fuerit, erudite disputauit Illustris Noster TRILLERVS in peculiari programme 1754. edit.

u) Conf. HEBENSTREITII Diss. cit. p. 10. ubi dicit: *Tactus iudicium hac in re non negligendum esse, quippe qui ex superficie plantarum aut salium vegetabilium incutem agendi potentia argumentari conabitur.*





Nobilissimi Doctissimique  
DN. FRIDERICI ERDMANNI HEMPELII

*Medicinae Candidati Dignissimi,*

qui vitae suae atque studiorum rationes sic nobis Ipse exposuit

*E*go, Fridericus Erdmann Hempel, natus sum Pissenae prope Merseburgum Anno c1o1oCCXXXVIII. Patrem habui M. Gottlob August Hempe-  
lium, Pastorem ecclesiae loci natalis meritissimum, matrem Margaretham Henricam e Stirpe Sittigia. Optimi hi parentes, quos praematura morte ere-  
ptos adhuc lugeo, a tenera iuventute ipsimet, et per varios praeceptores in prin-  
cipiis sanctissimae religionis atque litterarum humaniorum, linguarumque ele-  
mentis fideliter me imbui curarunt. In illis vero, qui solidioribus scientiis, et  
quae ad academica studia me praeparare possent, diligenter me erudiuerunt,  
inprimis nominare atque grate praedicare debeo Duumuiros optime de me meri-  
tos M. Mautrich, vigilantissimum quondam Schaecherchensis ecclesiae Pastorem,  
ante aliquot annos pie defunctum, et M. Scherberum, Rectorem etiamnum  
Scholae Skeudicensis. Cum vero artem pharmaceuticam, quam addiceram, Ie-  
nae et Lipsiae exercerem, ipsius Medicinae et Praxeos amore captus, Faselii,  
Kaltschmidii, atque Magnif. Pohlii praelectionibus anatomicis, physiologicis, et  
chirurgicis, quantum rerum mearum conditio permetteret, interfui. Witteber-  
gam autem vix accesseram, quo, antequam Albo studiosorum inscriberer, quod  
factum est An. c1o1oCCLXVII. d. XXXI Octobr. sub auspiciis Magnifici Boeh-  
meri, fasces Academiae tunc gerente, priuatissimis Magnif. Langguthii institu-  
tionibus me totum tribui, e cuius ore omnem cursum medicum percepi. Cuius  
nunc ipse factus ex Illustris Trilleri priuatis sermonibus plurimos percepi fru-  
ctus, Langguthii autem, immortaliter de me meriti Patroni, praelectiones et-  
iam publicas et priuatas, de Pathologia, Therapia generali et speciali, Chirur-  
gia, arte obstetricia, atque Medicina forensi, habitas, frequentavi. Magnif.  
vero Boehmerum, Praeceptorem ad cineres usque venerandum habui, institutio-  
nes pharmaceuticas Poerneri, primarias partes Anatomiae, Osteologiam, Splen-  
chno-





chnologiam, nec non Botanicam, atque Medicinam forensam explicantem, cuius etiam Disputatoriis exercitationibus interfui. Excellentissimum tandem Bosium de Venenis et Antidotis differentem, et in Meadii Monita et Praecepta medica commentantem, audiui.

Ita scientia atque peritia instructus Facultati nostrae desiderium modeste exposuit, summosque in Arte salutari honores petiit. Exploratis ergo antea, in Examine, cum Ipso instituto, Eius profectibus, dignus omnino inuentus est, cui aditus ad summos honores acquirendos, aperiretur. Quapropter Dissertationis inauguralis de *Iusta plantarum indigenarum in Pharmacopoliis reformandis aestimatione*, meo sub praesidio, d. XXXI. Augusti publice habendae Ipsi facta est copia. Vos autem Rector Academiae Magnifice, Illustrissime Comes, Perillustris Liber Baro, Patres Conscripti, Fautores, Amici, Generosissimi item ac Nobilissimi Commilitones, qua par est, obseruantia et humanitate rogamus, velitis huic Actui interesse, et nouo fauoris et amoris Vestri documento nos ornare.

P. P. XI. Dom. post Fest. Trinitat. MDCCLXX.

V I T E M B E R G A E

LITTERIS CAROLI CHRIST. DÜRRII ACAD. A TYPIS

